

dōné la Mere Superieure, nous auons reçeu & affisté foixante sept malades Sauuages en nostre Hofpital, & vn François, nous auons nourry pendant l'hyuer les pauvres, & les infirmes qui ne pouuoient fuiure leurs compatriotes à la chaffe, sept personnes ont esté baptifées en nostre Maifon, & quatre feulement de nos malades font paffés à l'autre vie, auec des marques plus que probables de leur falut. Le François qui nous a quitté, pour entrer dans vn repos eternel, auoit vne patience de Iob; fes plaintes n'estoient pas du pauvre fecours que nous luy rendions dans nos difettes: mais de ce qu'il ne pouuoit s'acquitter de fes deuotions ordinaires; & cependant nous remarquions qu'il recitoit tout les iours l'Office de Nostre Dame, & fon chappelet; ie ne doute nullement que Dieu ne l'ait fait passer en ce bout du monde, pour le mettre au ciel: ce ieune homme a honoré & chery la vertu depuis fon arriuée à Kebec, & iamais il ne s'est dementy depuis qu'il s'est fortement donné à Dieu.

Iean Sakit8neg8chit n'a iamais esté [94] abbatu, ny à la mort, ny dans fa maladie, les nouveaux Chrestiens ont ie ne fçay quelle force qui les anime, & qui les console dans leurs afflictions; ce bon Neophyte voulant éuiter les occasions du peché parmy ceux de fa nation, s'estoit retiré quelques mois auec les Peres de nostre Compagnie, qui font aux trois Riuieres, il a rendu des preuues d'vne foy viue, & constance. Au point qu'on le vouloit marier il est tombé malade d'vne pleuresie bastarde, il s'est formé vn abcés dans son costé, il ne pouuoit respirer, la fievre le tourmentoit fort, tout ces maux ne l'ont iamais ietté dans l'impatience ny dans les plaintes; on